

貴州通志

貴州通志

貴州通志卷之二十三

武備

師旅考

唐堯克三苗於丹水之浦以服南蠻

見竹書紀年注

虞舜命禹征有苗

殷成湯化異俗而懷鬼方

出匡衡疏

高宗三十二祀伐鬼方三年克之

周宣王時南蠻叛命方叔伐之

平王元年秦禦有蠻氏之戎是年晉文侯率蔡共

侯擊蠻破之

楚威王遣將莊蹻從沅水伐夜郎軍至且蘭椽船

於岸而步戰遂滅夜郎因留王滇中以且蘭有桮

船牂牁處乃改其名爲牂牁

詳苗蠻志

赧王三十五年秦昭王使白起伐楚畧取蠻夷如置黔中郡

漢元鼎五年南粵反使越馳義侯遣別將巴

人發夜郎兵下牂牁江咸會番禺且蘭君恐

旁國虜其老弱乃與其衆反殺使者及犍爲

漢乃發嘗擊南粵者八校尉擊之會越已破

校尉不下中郎將郭昌衛廣引兵還行誅隔

者且蘭斬首數萬遂平南夷爲牂牁郡夜郎

倚南粵南夷已滅還誅反者遂入朝以爲夜

始元元年牂牁談指同竝音等二十四邑凡三萬人皆反遣水衡都尉發蜀郡犍爲犇命萬餘人擊牂牁大破之

河平中夜郎王興與鈞町王禹漏卧侯俞更舉兵相攻遣大中大夫蜀郡張匡持節和解不從大將軍鳳薦金城司馬陳立爲牂牁太守及至牂牁諭夜郎王興興不從命立請誅之未報立召興數責因斷其頭衆皆釋兵降

事詳名臣志

蜀漢建興元年夏牂牁太守朱褒反應雍闓

二年南蠻反李恢擊敗之

事詳名臣志

三年丞相諸葛亮南征以牂牁蠻長濟濟火爲先

鋒所至皆捷

事詳前

延熙八年涪陵夷反車騎將軍鄧芝討平之

按晉志涪

陵即夷費思播黔五州地

十一年南夷豪帥劉胄反馬忠討斬之

晉永昌元年李驤等寇寧州刺史王遜遣將姚岳

距戰於堂狼大破之

遜以姚岳不窮追寇鞭之怒甚冠裂而卒

二年梁水太守爨亮益州太守李暹以興古叛降

於李雄

三年以尹奉為寧州刺史募徼外夷刺爨亮殺之

諭降李暹

咸和二年正月寧州秀才靡遺起義兵攻李雄將

任固守等遣其將羅恒賈果不救寧州刺史
尹奉遣裨將姚岳朱提太守楊術長遺戰於登
近等敗績術死之

大年正月李雄將李壽陷寧州刺史尹奉及建寧
太守霍彪並降於雄

咸康二年廣州刺史鄧岳遣都督王隨擊夜郎
之

五年建寧人孟彥執李雄寧州刺史霍彪來降

寧康元年十一月苻堅取梁益二州叩符夜郎皆

附於秦

太元中苻堅為姚興所殺二州復為晉有

宋元嘉十八年十二月晉寧太守麋松子璆寧州

刺史徐循討平之

二十八年沿江蠻爲寇遣太子步兵校尉沈慶之

等伐之

齊永明四年何宗頭與黔陽蠻田豆渠等五千人

爲寇巴東太守王圖南遣府司馬劉僧壽等斬之

開道攻其砦宗頭夜燒砦退走

梁承聖三年徵南寧州刺史徐文盛詣荊州土人

樊瓚據其地延袤二千餘里遂授瓚南寧州刺史

許其子震亂承襲

周保定二年蠻獠反詔開府陸騰討平之

按本傳

山形勢隨便開道蠻獠畏威承風請服
之諸葛亮桓溫舊道

隋開皇二年爨翫遣使朝貢命常冲以兵戍之置
恭州協州昆州以爨翫爲昆州刺史

十七年爨翫叛以史萬歲爲行軍總管擊平之諸
蠻大懼請降

唐顯慶元年矩州人謝無靈反黔州都督李子和
討平之

天寶九載十月南詔閣羅鳳反取夷州三十二
六年辰叙二州蠻反寇播州費州

長慶二年黔中蠻叛劫掠黔中節度使段文昌使
入開曉蠻引退

開成三年牂牁蠻寇涪州清溪鎮鎮兵擊却之

晉天福五年楚王馬殷遣人姓帥率邕管柳州兵討兩江溪洞舊軍戍之遂各分據八番

宋乾德三年四月溪叙獎等州民相攻劫遣殿直牛允齋詔諭之乃定

至道二年六月黔州蠻寇鹽井巡檢使王惟節戰死

大中祥符四年牂牁蠻寇掠轉運使寇瑊調兵擊之

建炎二年調思州田氏兵討劇賊王闢

紹興六年詔沿邊溪洞諸州置弓弩手

知鼎州張翥言澧辰

沅靖與溪洞接壤祖宗時嘗置弓弩手得其死力比緣多故遂皆廢缺因詔同湖北路帥司以聞帥

司言營田四川舊制乃弩手九千一百一十八習
練武事散居邊境鎮撫蠻夷平居則事耕作緩急
以備戰守深為利便今辰靖等州之兵防守今歲
復置分處要害量給土田訓練以時耕戰合廢廢
可備禦以所餘閒田募人耕作歲收其租其於
邊防財賦各得其便可為經久之計詔從之

二十四年三月獠賊楊再興寇邊前軍統制李道
討平之

乾道六年廬陽西口獠陽添朝寇邊知涪州孫叔

傑調兵數千討之敗績

初獠人與省戶麥爭殺一
人死叔傑輒出兵破其十

三柵奪還所侵地於是獠人相結為亂諸司請
常德府兵三百人益官兵二千入合擊討之寄臣
虞允文奏曰蠻夷為變皆守臣貪功所致今獠人
仇視守臣若更去叔傑量遣官軍示以兵威徐與
盟誓自可平定帝允其奏俾葉行代叔傑
開示恩信諭以禍福遂招降之邊境悉平

嘉泰元年土官宋永高平麥新以其子宋勝守之

改麥新爲新添

新添名始此

嘉定六年八月思州田宗範謀作亂夔州路安撫

司遣兵討平之

寶祐四年五月羅氏鬼國遣報思播言元兵屯大

理國取道西南將大入邊詔思播結約羅鬼爲援

五年四月元兵攻苦竹隘詔京湖調兵援應○十

一月詔京湖帥臣黃平清浪平溪分駐屯戍庚辰

詔三邊郡縣官毋擅離職守諸制帥臣共嚴糾察

元至元十五年七月壬午朔官軍襲張烈良劉應

龍於思州烏羅洞

宋湖南制置張烈良提調應龍與司隆賀十二起兵行省

兵往討獲周隆實

斬之烈良等與家及

十六年兩淮招討使經歷劉繼昌招下西南諸番
以龍万零等爲小龍番等安撫使仍以兵三千戍
之

十七年三月甲辰思播州軍侵鎮遠黃平界命李
德輝等往視之○巳未詔討羅氏鬼國命以蒙古
軍六千哈刺章軍一萬西川藥刺海萬家奴軍萬
人三道並進○六月壬申遣官告蠻部安撫使王
阿濟同萬戶咎坤招諭羅氏鬼國○七月括蒙古
軍成丁者勅亦來等率萬人入羅氏鬼國如其不
附則討之○九月丁卯羅氏鬼國王阿察及阿里
降安西王相李德輝遣人偕入覲○十月丁丑以

湖南兵萬人伐亦奚不薛降之王辰亦奚不薛以

病遣其子入覲不薛

帝曰亦奚不薛不稟命輒以職授其從子無人臣禮宜令

亦奚不薛

出乃還軍十二月己卯羅氏鬼國土寇爲患思播

道路不通發兵千人與洞蠻開道戊子以征也可

不薛軍千五百復還塔海戍八番羅甸

十九年二月壬子詔僉亦奚不薛及播思叙三州

軍征緬國○三月辛酉朔烏蒙民叛敕那懷火魯

思迷率蒙古漢人新附軍討之○六月丁巳征亦

奚不薛盡平其地立三路達魯花赤畱軍鎮守命

藥剌海總之○九月壬申亦奚不薛之北蠻洞向

世結兄弟及散毛諸洞叛命四川行省就遣亦奚

不薛軍前往招撫之使與其工偕來

二十一年六月辛亥四川行省參政曲立志思等
平九溪十八洞以其酋長赴闕定其地立州縣聽
順元路軍民總管兼宣撫司節制○七月丙寅立亦奚不薛宣
慰司益兵戍守開雲南驛路分亦奚不薛地爲三
設官撫治之壬申亦奚不薛軍民千戶宋添富及
順元路軍民總管兼宣撫司阿里等來降詔班師
以羅鬼酋長阿利及其從者入覲立亦奚不薛總
管府命阿里爲總管

二十一年四月壬寅勅發思播二家軍從征緬○
十二月劉繼昌諭降龍昌寧龍延萬等赴闕奉羊

馬白璫來貢各授本處安撫司立宣慰司招撫西南等處酋長

二十七年七月貴州苗蠻三千餘人作亂刦順元路入其城遂攻阿牙寨殺傷官吏其眾遂盛湖廣省檄蔡州均州二萬戶府及八番羅甸宣慰司合兵討之

三十年五月括思播等處亡宋涅手軍○十二月遣使督思播二州及鎮遠黃平發宋舊軍八千人從征安

元貞元年始於黔中等郡置屯戍

大德元年九月八番順元等處初隸湖廣後改隸

雲南雲南賊兵不至其屯駐舊軍逃亡者眾仍命
湖廣行與通兵代之○十二月擢湖廣宣撫司楊漢
英請以戶力討平伐等未附蠻仍命湖廣省答刺
罕便宜收撫

五年五月壬戌雲南土官宋隆濟叛水西土官之

妻蛇節以其叛應之

時雲南行省右丞劉深將兵

調兵供餽宋隆濟因給其叛口官軍徵發汝等將

盡剪髮黥面為兵身死行陣妻子為虜眾惑其言

遂叛蛇節亦以劉深將取其金二千

兩馬二千匹逃遁羅鬼諸蠻以應焉

隆濟攻黃楊寨壬辰攻貴州知州張懷德戰死梁
王遣雲南行省平章幢兀兒叅政不蘭奚將兵禦
之殺賊酋散月斬首五百級○十一月丁未遣劉